

续资质通鉴长编

續貴州通志卷之四

續資治通鑑長編卷一百三十二

宋 李燾 撰

仁宗

慶厯元年五月己酉朔詔諸路各置招撫蕃落司以知

州通判或主兵官兼領之

此事實錄殊不記惟此月朔書命知麟州苗繼宣管勾招

撫屬戶事因采田况奏議特書之

辛亥詔陝西經略安撫緣邊招討使判永興軍夏竦候

陳執中至領兵出巡邊

乙卯詔以銅錢出外界一貫以上爲首者處死其爲從

若不及一貫河東河北京西陝西人決配廣南遠惡州

軍本城廣南兩浙福建人配陝西其居停資給者與同

罪如捕到蕃人亦決配荆湖江南編管仍許諸色人告

經五卷通鑑長編卷一百三十一
捉給以所告之物其經地分不覺察官吏減二等坐之
初權三司使公事葉清臣言朝廷務懷來四夷通緣邊
互市而邊吏習於久安約束寬弛致中國寶貨錢幣日
流於外界比年縣官用度既廣而民間貨易不通方羌
戎爲叛指日待誅姦人出入邊關蕩然無禁故於舊條
第加其罪

丁巳御崇政殿錄繫囚雜犯死罪以下遞降一等杖以
下釋之

戊午以右班殿直閤門祇候趙珣爲閤門通事舍人陝
西經略安撫招討都監珣初隨其父振在西邊訪得五
路徼外山川邑居道里凡地之利害究其實作聚米圖
經五卷韓琦言於帝詔取其書并召珣至又上五陣圖

兵事十餘篇帝給步騎使按陣既成臨觀之於是陳叅
中薦珣為緣邊巡檢使呂夷簡宋庠其奏曰用兵以來
策士之言以萬數無如珣者即擢任之珣自以年少新
進未有功辭都監授兵萬人賜御鎧仗令自擇偏裨參
佐居涇原兼治籠竿城瑪展當羅百餘帳處近寨為暴
珣白府引兵二萬自靜邊歷貴烏抵默甯襲賊俘獲千
計近邊將劉滬殿後為賊所掩珣登阪望見從騎數百
復入拔滬之眾以出土皆歎服韞戢居康古無所屬珣
與書招之遺以綈錦韞戢聽命數事附見恐別有日月
都監按此月丁卯即罷都監不緣珣辭也
都監後以何官治籠竿城據仲淹奏議慶厯二年二月
五日奏看詳珣所上劄子猶帶都監且云去年十一月
赴籠竿城駐劄則是珣未嘗辭都監都監亦未嘗罷也
考當

己未代州言陽武寨有北界人侵耕禁地蓋由前寨主彌文寶等失巡防所致請自今緣邊諸寨有失巡防致北界侵耕者準透漏賊盜條論罪從之

壬戌詔入內內侍省都知內侍省左右班都知比景福殿使入內內侍省都知內侍省左班都知右班都知比宣慶使入內內侍省副都知內侍省左右班副都知比宣政使入內內侍省押班如本官諸司使以上者比昭宣使諸司副使以上並班皇城使之上從閤門所奏也呂夷簡初入相卽升都知押班班次天聖七年九月於是三入又降此詔然未嘗關報御史臺故當時任都知押班者每遷官則必奏免正衙議者非之先是左正言孫沔奏太宗初置京朝官考課院卽今審官院是也凡中外

守任咸給印紙厯子或功績可紀清白有守過犯度數
舉主姓名盡得書之無所遺俾至闕下赴院磨勘第其
等而升黜之此朝家激勵賢才驅策駑蹇之至術也自
後因循咸以磨勘爲轉官之階梯不復有尙功之志節
但居官三周例遷一級雖數有失亦不退覆故士大夫
以無過犯爲能是使庸愚不肖之人晏然自得不十年
間坐致員外郎是以居常則朱紫相隨應用則玉石難
辨苟不更張弊轍必恐寢廢政綱臣欲乞今後應京官
升朝官並依舊許三周年一次磨勘如明有理迹廉名
者卽與轉官有公私罪者等第降黜無功過者且守舊
資如此足以旌別賢愚永著申令廉勤公幹之士聞之
必激節顧行者眾矣更乞差近上臣僚列定格式亦一

時之懿範也。沔又奏國朝自景德祥符間，屢行大禮，旁流慶澤，凡文資、自帶職員、外郎、武職、自諸司副使以上，每遇南郊，及知雜、御史、刺史以上，逐年聖節，並許奏蔭。子孫弟姪，雖推恩至深，而永式未立。今臣僚之家，及皇親、母后、外族，皆奏薦略無定數，多至一二十人，少不下五七人，不限才愚，盡居祿位，未立襁褓，已列簪紳，或自田畝而來，或從市井而起，官常之位已著，而僕隸之態猶存。是則將國家有數之品名，給人臣無厭之私惠，故使父兄不敦教訓，子弟不修藝業，俾之從政，徒只害民。若不急爲更張，已見積成弊倖，欲乞今後帶職員外正郎，只許蔭敘一名；子弟少卿給諫，與二人；丞郎三人；尚書四人；僕射以上，與五人；致仕及物故，各更與一人；武

職等比類官品皇親母后之族及兩府大臣亦乞約立
人數乞特差近上臣僚定其久制以爲萬世之法於是
沔又奏臣前日上殿曾有劄子乞差近上臣僚重定文
武班磨勘官資年限蔭子孫人數事已蒙聖旨送中書
訖竊見內侍省近年改官亦無定制率不踰紀便至使
名況國朝以來自有故事今半載之內四爲防禦旣無
殊績又匪年勞未知何名當此異寵復又奏蔭養男人
數不少伏望特降嚴命指揮令限年遷轉及約品蔭敘
爲昌朝之永式沔又奏臣竊聞內侍別立主司中官自
通禁省有唐四品不通於典制五局兼著於令丞所以
分中閫之政不使挾外廷之議如此檢節尙至侵陵故
聖宋已來明制斯在太宗著令式之文眞宗述箴規之

訓能詔近習各謹吹噓所繫安危尤如約束是以先朝
秦翰等數人履行端謹節義深厚心皆好善意不害人
出則總邊方之寄歸則守內庭之職俾之兼領亦不侵
官止守使名終無殊命今聞欲以都知押班之資升於
閣門引進之上隳國家之舊典起宦寺之威權況內殿
起居則別班朝集宴會則不豫安用異數竊據橫行蓋
因勾當局務之間多與文武官員同事爭列名銜自尊
位貌遂欲改革品秩僥冀寵榮誰啟厲階輒敗經制今
邊陲用武賞罰是先慎揀官資尙難激勸豈宜閹寺之
人更居侯伯之上切恐將帥之臣恥居其下策勳之際
不重此官大綱紊絕事亦非細伏望守祖宗之規式戒
左右之權倖則朝廷之福天下之幸也所有先降劄子

下閤門重定都知押班位乞更不施行
沔又奏竊見天聖之間多有內降莫測
夤緣盡由請託蓋頗邪之輩巧宦進身
求左右之容僥榮濫賞假援中闈實玷
朝直昔唐之敘封終汚國史洎景祐初元
陛下勤政首革時弊澄清仕途天下之人
抃足稱快近歲以來此路復起未知以何
事迹達於聰明妨公起謗無甚於此中人
佞人得以希意陰結所知率由斯道故有
位臣僚引薦親戚干冒寵榮惟務奔趨不
顧廉恥豈非風化使然伏望特發宸衷止
絕內降如有合自中出之事令兩府及諸
司依公執奏勿使阿諛上累聖明仍乞別
降手詔戒告中外

外

沔五奏並據沔家集并畢仲游神道碑

沔五奏皆與大臣忤又奏田况

歐陽修張方平曾公亮蔡襄王素可任諫官自代

此據畢仲

游神
道碑

甲子沔罷左正言爲工部員外郎提點兩浙路刑獄
出內藏庫緡錢一百萬助三司給陝西軍費仍令轉運
司聽商人於緣邊及內地入見錢給以香藥象牙鹽茶
或與恩澤

乙丑贈皇長子爲皇太傅封褒王賜名昉諡懷靖與豫
王同葬於永安

丁卯罷陝西經略安撫緣邊招討都監

庚午龍圖閣直學士權三司使葉清臣知江甯府權知
開封府天章閣待制吳遵路知宣州陝西都轉運使龍
圖閣直學士姚仲孫權三司使知制誥賈昌朝爲龍圖
閣直學士權知開封清臣與遵路雅相厚而宋庠鄭戩

皆同年進士也四人並據要地銳於作事宰相以爲朋黨請俱出之

辛未右諫議大夫參知政事宋庠守本官知揚州樞密副使右諫議大夫鄭戩加資政殿學士知杭州先是呂夷簡當國同列不敢預事唯諾書紙尾而已獨庠數與爭論夷簡不悅上顧庠頗厚夷簡忌之巧爲所以傾庠未得及范仲淹擅通書元昊又焚其報夷簡從容謂庠曰人臣無外交希文何敢如此庠以夷簡誠深罪仲淹也他日於上前議其事庠遽請斬仲淹樞密副使杜衍力言其不可庠謂夷簡必助已而夷簡終無一言上問夷簡夷簡徐曰杜衍之言是也止可薄責而已上從之庠遂倉皇失措論者喧然皆咎庠然不知實爲夷簡所

賣也於是用朋黨事與戢俱罷時西兵數剽上憂之欲

遣輔臣戢請行不許

庠戢同罷戢獨加職此必有說當考

翰林學士兵

部郎中知制誥王舉正爲右諫議大夫參知政事舉正

厚重寡言前一夕吏有報者舉正方燕居齋舍徐謂吏

曰傳者必佞不然安得漏禁中語旣入謝上曰卿恬於

進取未嘗干朝廷以私故不次用卿

樞密直學士右

諫議大夫知益州任中師龍圖直學士給事中知河南

府任布並爲樞密副使先是布數上書論事帝欲用之

呂夷簡薦中師才不在布下遂俱擢任或曰中師前罷

廣州嘗納賂於夷簡於是樞密副使闕上謂夷簡用諫

議大夫任姓者蓋指布也夷簡遽進中師名上徐曰今

在西川夷簡因言中師可用乃并用兩人

此據日記

右諫

議大夫集賢院學士楊日嚴爲樞密直學士知益州時

三司急財用有詔析戶版爲十等第賦役名以歲租占

佃官田廬者高其估募輸錢就市爲己業人苦其擾又

陝西奏收市益梓路溪洞馬而不知其實無馬也日嚴

皆奏罷之日嚴此事恐自有時詔陝西經略安撫招

討使判永興夏竦屯鄜州同陝西經略安撫招討使知

永興軍陳執中屯涇州時兩人議邊事不合故分任之

壬申徙知耀州龍圖閣直學士范仲淹知慶州兼管勾

環慶路部署司事初元昊反陰誘屬羌爲助環慶酋長

六百餘人約與賊爲鄉導後雖首露猶懷去就仲淹至

部卽奏行邊以詔書犒賞諸羌閱其人馬立條約讎己

和斷輒私報之及傷人者罰羊百馬二已殺者斬負債

爭訟聽告官爲理輒質縛平人者罰羊五十馬一賊馬入界追集不起隨本族每戶罰羊二質其首領賊大入老幼入保本寨官爲給食卽不入寨本家罰羊二全族不至者質其首領諸羌受命悅服自是始爲漢用知慶州天章待制張奎爲陝西都轉運使

癸酉內六班散都頭都知郭興等試武藝於崇政殿擢興爲左藏庫副使並優遷之

甲戌虞部員外郎監百里鎮酒務郭志高復爲六宅使經原路都監尋以親喪復爲虞部員外郎太常丞直集賢院簽書陝西經略安撫判官田况上兵策十四事一曰昊賊弄兵侵噬西蕃開拓封境僭叛之迹固非朝夕始於漢界緣邊山險之地三百餘處修築堡寨欲以

收集老幼併驅壯健爲入寇之謀初貢嫚書亦未敢擾
邊范雍在延州屢使王文思輩先肆侵掠規貪小利賊
遂激怒其衆執以爲辭王師伐叛弔民之體自此失之
劉謙高繼嵩等破龐青諸族任福襲白豹城皆指爲有
功者也無不殺戮老弱以爲首級彼民皆訴冤於賊以
求復讎此皆吾民受制遠方而又使無辜被戮毒貫人
靈上下文移皆謂之打擄吁可媿也或謂國家久不能
用兵將卒未練欲使趨功驚利習於戰鬪爾然賊界諸
處設備甚謹屢見打族非利俘獲無幾陷沒極多如郝
仁禹打旺額族亡三百四人無所獲任政打納幹堡亡
一百九十三人秦鳳署司打隆博族亡九十六人各獲
首一級麟府軍馬司入賊界牽制亡三百八十八人斬